

SUB: BODO (CODE: 092)

CLASS-X

Session 2025-26

Marking Scheme

Time: 3 Hours

Marks: 80

| Part-A:<br>Objective Type MCQ Paper |       |                                       |         |
|-------------------------------------|-------|---------------------------------------|---------|
| सॉथि नं.                            | 1.    |                                       | 5x1=5   |
|                                     | i.    | फिन: (C) बारलांफा                     | 1       |
|                                     | ii.   | फिन: (B) लोंफै                        | 1       |
|                                     | iii.  | फिन: (C) -बाय                         | 1       |
|                                     | iv.   | फिन: (A) साव नां                      | 1       |
|                                     | v.    | फिन: (B) बैराथि                       | 1       |
| सॉथि नं.                            | 2.    |                                       | 10x1=10 |
|                                     | i.    | फिन: (A) सोलोंथाइ लानाय               | 1       |
|                                     | ii.   | फिन: (C) कमल कुमार ब्रह्म             | 1       |
|                                     | iii.  | फिन: (B) भबानिपुरि                    | 1       |
|                                     | iv.   | फिन: (B) रहस्य सानथौ बेरखांनाय खन्थाइ | 1       |
|                                     | v.    | फिन: (A) सदबांसा                      | 1       |
|                                     | vi.   | फिन: (C) धरनीधर औवारी                 | 1       |
|                                     | vii.  | फिन: (A) मोदै                         | 1       |
|                                     | viii. | फिन: (D) कार्बनिक मुवा                | 1       |
|                                     | ix.   | फिन: (C) बोहैथि                       | 1       |
|                                     | x.    | फिन: (A) थागिबि सुबुं                 | 1       |
| सॉथि नं.                            | 3.    |                                       | 10x1=10 |

|       |                                                                    |   |
|-------|--------------------------------------------------------------------|---|
| i.    | फिन: (B) गुरुदेब कालिचरण ब्रह्मनि बिमा                             | 1 |
| ii.   | फिन: (D) गियासुद्दिन आहमेद                                         | 1 |
| iii.  | फिन: (A) नारायन मुर्ती                                             | 1 |
| iv.   | फिन: (B) थाखो गुनिफ्राय थाखो जि सिम सेथि बाहागोआव उश्चिनायनि थाखाय | 1 |
| v.    | फिन: (B) खुगा मेथाइ आरो खुगा राव                                   | 1 |
| vi.   | फिन: (A) आखान्थि खेराइ                                             | 1 |
| vii.  | फिन: (C) गोरोबनाय आरो खौसे जानाय                                   | 1 |
| viii. | फिन: (B) गोनोखोनि फोरोंगिरि                                        | 1 |
| ix.   | फिन: (B) उत्तर प्रदेश                                              | 1 |
| x.    | फिन: (B) थुबब्लाव दैमारि                                           | 1 |

**Part-B**  
**Descriptive type pen paper test**

|         |      |                                                                                                                                                                                                                                                                                                                                                                                                   |        |
|---------|------|---------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|--------|
| सौथि नं | 4.   |                                                                                                                                                                                                                                                                                                                                                                                                   | 5x2=10 |
| i.      | फिन: | कालीचरण ब्रह्मवा धुबुरी जिलानि सिडाव थानाय टिपकाइनि काजिगामियाव बांला 1267 मायथाइनि बैसाग दाननि 5 अक्ट'खालि जोनोम मोनदोंमोन।                                                                                                                                                                                                                                                                      | 2      |
| ii.     | फिन: | बर' खुगा रावनि बाहागोफोरा जादों-<br>(क) सल'बाथा<br>(ख) बाथा फाव एबा बाथा लानजाइ<br>(ग) मोनथोर                                                                                                                                                                                                                                                                                                     | 2      |
| iii.    | फिन: | आसामाव संहति परिषदखौ 1971 मायथाइनि 11 आगस्टखालि गायसननाय जादोंमोन। बेनि गुबै थांखिया जादों हादराव थानाय गुबुन गुबुन धोरोम आरो गुबुन गुबुन रावनि फोलेरफोरनि गेजेराव अनलायनाय आरो गोरोबलायनाय लाबोनो थाखाय बयबो फोलेरनि नौ-नारिफोरनो समान मोनथाइ, धोरोम फालिनाय मोनथाइ, उदांसि, धोरोम बेरेखा गैयि, माहारि, रांखाउरि आरो राजखान्थिनि धोरोम खुंनायनि गेजेरजों बयबो फोलेरनि गेजेराव गोजोननाय लाबोनाय । | 2      |
| iv.     | फिन: | 'जिउनि अलंबार' खन्थाइयाव खन्थाइगिरि सुरथ नार्जारीया अबंलावरिखौ जोबोरैनो मोजां मोनो होनना बुंदों नाथाय बेजों लोगोसेनो बेखौबो सिमान लादों दि गाव संसारनि मायाखौबो गारनो हायाखै, गाव साननाय बादि इसोरजों गोरोबसे जानो हायाखिसै।                                                                                                                                                                      | 2      |

|          |     |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                            |        |
|----------|-----|----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|--------|
|          | v.  | <p>फिन:</p> <p>सनेट खन्थाइया जादों 14 सिरिनि गेजेरजों गाव आंगो फोरमायनाय (Subjective) आयदानि खन्थाइ । सनेट खन्थाइखौ गिबि गिबियै इटालि हादरनि पेट्रिकआ जोनोम होगोदोंमोन । लेटिन रावाव सनेटनि ओंथिया जादों <b>दैलो देंखो</b> । बेयाव मोननै बाहागो थायो । गिबि 8 सिरिखौ अक्टेभ (Octave) आरो उननि 6 सिरिखौ सेस-टेट (Ses-tet) बुंनाय जायो । अक्टेभाव जाय सानसिखौ फोरमायनाय जायो सेस-टेटाव बेखौ गुवारै बेखेवनाय जायो ।</p>                                                                                                                                                                                                                                                                                                                                                                                                                                                                                                       | 2      |
| सौथि नं. | 5.  |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                            | 7X5=35 |
|          | i.  | <p>फिन:</p> <p>‘गेवसांनाय महर’ खन्थाइनि खन्थाइगिरिया धरणीधर औवारी। खन्थाइगिरि औवारीया फोरमायदों दि मुलुग संसारनि सुबुंफोरनि थांना थानायाव मोनबोनाय फोलानाय, गाबनाय-मिनिनाय, सुखु-दुखु, साननाय-हनाय, मावनाय-दांनाय बायदि थासारिनि फावथिनाफोरखौ नुनानै सानहाबदों। खन्थाइगिरिया गाव थगायसुला नडा, नाथाय गुबुनखौबो बियो फोथायनो हाया। सुखु-दुखु, फोथायनाय, गोरोन्थि साननाय बेफोर मानसिफोरजों अराय लोगोआव थाफायोब्लाबो गोरोन्थि साननाय, मावनायफोरखौ हमथानानै गावखौ फोथायना लानो खावलायदों। थांना थानायाव नांनायखौल’ मोनब्लाबो जायो अब्लाबो दुखुवावनो बिसोर गेदेर-गोलाव जानानै रंजा-बाजा थानो हास्थायनो रौलिया। खन्थाइगिरिया साननैसोनि संसाराव गुबुनखौ फोलाना देरगानाय आरो रावनिफ्रायबो बान्था मोननो लुबैयाखै मानोना मानसिनि जिवा थास’ बिलाइनि दै बादि, दानो दं दानो गैया। बेफोर गासैबो अबंनि रिफिनाय जायखौ रावबो मिथिसवा। अब्लाबो गावनि साननाय लुबैनायखौ जाफुंहोनो थाखाय गोबां नाजादोंमोन नाथाय बिथानि साननाया फेलें जाबाय।</p> | 5      |
|          | ii. | <p>फिन:</p> <p>मावामारि गामिनि गावबुरा थेमबायरामनो मनथि दैमारिया सानसेखालि गांसे टेलिग्रामनि गेजेरजों फोरमायहरदोंमोन दि बिसोरनि गामियाव गंसे गुदि फरायसालि गायसनफैगोन। बे खौरांखौ मोननानै गावबुरा थेमबायराम आरो गामिनि गासैबो मानसिफोरानो रंजाखांदोंमोन। मनथिया बुंनाय बादिनो सानसे बैसागो फालिनायजों सोमोन्दो लाखिनानै गामिनि गुदि फरायसालिनि खुन्थिया गायसननायनि हाबाफारि लायो आरो बैसागो जाखांनानै खुन्थिया गायनानै थाडो। नाथाय बे खुन्थिया गायनाया खुन्थिया महरैनो थालाडो। रायजोनि साननायफोरा आसखान्दा जालाडो। बेराफारसेथिडै मनथि फैनायखालि गावबुरा थेमबायरामनि नवाव रावबो मानसि गैयिनि असिला लानानै सिखावा ननि माला-माथाफोरखौ लुथिना लांजोबो। थामहिनबा बे सुंद’ सल’वाव एम.एल.ए., मनथिफोरनि नंखाय बाथा होनाय, जौगानायनि मुडाव सोबखनाय बायदि खोथाफोरानो</p>                                                                                                                                                             | 5      |

|  |      |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                |   |
|--|------|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|---|
|  |      | बेरखांदों।                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                     |   |
|  | iii. | <p>फिन:</p> <p>टिवाफोरा आसामनि मोनसे गोजाम आरो मख'जाथाव सुबुं हान्जा। बिसोरखौ लालुं मुडैबो मिथिनाय जायो। रावारि बिथिनिफ्राय बिसोर इण्ड-चीननि सिडाव थानाय तिब्बत-बार्मान राव हान्जानि बड' हान्जानि मोनसे मख'जाथाव राव। आथिखालाव बे राव हान्जानि मानसिफोरा आसामनि दाब दाब जायगायाव गोसारना दं। बिसोर गाहाइयै नगाव, मरिगाव, कामरुप, कार्बिआलं, जरहात, धेमाजी, लक्ष्मीपुर, शदियानि अनगायैबो मेघालय रायजोनि माखासे जायगायाव गोसारनानै दं। टिवाफोरखौ दतिअलीया, पाहारीया, आरो थल'वाली बे मोनथाम बाहागोआव राननाय जायोब्लाबो नाथाय आथिखालाव हाजोआरि आरो हायेनारि बे मोननै बाहागोआवसो बाहागो राननाय नुनो मोनो। हाजोआरि टिवाफोरनि रायलायनाय रावखौ लिरनाय राव महरै लानाय जादों। हायेनारि टिवाफोरा गोबाडानो गावसोरनि रावखौ खोमानानै लानायखौ नुनो मोनो।</p>                                                                                                                                                                                                  | 5 |
|  | iv.  | <p>फिन:</p> <p>सा-सान्जा भारतनि मोनसे मख'जाथाव हारिया जादों देउरी। फोलेरारि बिथिनिफ्राय देउरिफोरा मंगलयड आरो रावारि बिथिनिफ्राय बिसोर चिन-तिब्बतान राव फोलेरनि तिब्बत-बार्मान राव दालाइनि। देउरीफोरखौ गाहायै बुर्लुबुथुर जैयेन ओनसोल आथिखालनि अरुणाचल प्रदेशनि लहित जिलानि जैदाम हाजोनि खाथि-खाला ओनसोलफोराव गोसारना थानायखौ नुनो मोनो। देउरीफोरनि गेजेराव मोनब्रै लेडाइ माहारि मोननाय जायो जेरै-डिबडीया, टेडापनीया, बरगजा आरो पाटरगजा। देउरीफोरा शदिया ओनसोलावनो गोबां बोसोर जिउ खांदों आरो बिसोरनि सोदोमस्रिया बेयावनो जागायजेनदों होननानै गोबां पण्डितफोरानो बुंदों। नाथाय लासै लासै गुबुन गुबुन जाहोन जेरै मिथिंगायारि, दावहा, हासारगोनां हा बायदिफोरनि थाखाय बिसोर बोखावजायि शिवसागर जिलानि माजुलि आरो लक्ष्मपुर जिलानि डिक्रं दैमानि सेराव गिबियाव थानो लाजेनो। आथिखालाव देउरीफोरखौ तिनिचुकिया, डिब्रुगड़, शिवसागर, जरहाट, माजुली, धेमाजी, लक्ष्मपुर, आरो बिश्वनाथ जिलायाव दं। देउरीफोरा गावसोरखौ 'जिम'चँणाया' होननानै सिनायथि होयो।</p> | 5 |
|  | v.   | <p>फिन:</p> <p>थाइजानि खामानिया सिगाडावनो जाखांनायखौ फोरमायोब्ला बेखौनो जाखां बिदिन्था बुंनाय जायो। थाइजानि खामानि मावनाया बावैसो जादों ना बेसेबांबा सिगाडावनो जालांखांदों बेखौ नायनानै जाखां बिदिन्थाखौ मोननै बाहागो खालामनो हायो। बेफोर जादों -</p> <p>i. दा जाखां बिदिन्था</p> <p>ii. सिगां जाखां बिदिन्था</p> <p><b>i. दा जाखां बिदिन्था:</b></p> <p>दा जाखां बिदिन्थाया थाइजानि खामानिया दासो एबा बावैसो जालांनायखौ फोरमायो। दा जाखां बिदिन्थाखौ फोरमायनो थाखाय</p>                                                                                                                                                                                                                                                                                                                                                                                                                                                                       | 5 |

|  |                                                                                                                                                                                                                                                                                                                                                                                                                                                                                                                                                                                                                                                                                                                                     |   |
|--|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|---|
|  | <p>बर' रावाव थाइजार्जो {-बाय} उन दाजाबदा दाजाबनाय जायो। जेरै-<br/>आं ओखाम जा-बाय (जाबाय)।<br/>गथ'वा उन्दु-बाय (उन्दुबाय)।</p> <p><b>ii. सिगां जाखां बिदिन्था:</b></p> <p>थाइजानि खामानिया बुंनायनि बेसेबांबा सिगाडावनो जाखांनायखौ<br/>फोरमायोब्ला बेखौनो सिगां जाखां बिदिन्था होननानै बुंनाय जायो।<br/>बेखौ फोरमायनो थाखाय {-मोन} आरो {-दोमोन} मोननै उन दाजाबदा<br/>दाजाबनायखौ नुनो मोनो। {-मोन} दाजाबदाखौ मुंमा, मुंराइ, थाइजा<br/>आरो थाइलालि मोनब्रैजोबो जिरायनाय नुनो मोनो। जेरै-<br/>रामा आयोध्यानि राजा-मोन (राजामोन)।<br/>सिखलाया बिनो-मोन (बिनोमोन)।<br/>रामा गोसोम-मोन (गोसोम-मोन)।<br/>बिहा गथ' सानै दं-मोन (दंमोन)।</p>                                                                                                  |   |
|  | <p>vi. <b>फिन:</b></p> <p style="text-align: center;"><b><u>मिथिसारबिलाइ</u></b></p> <p>खालार:XXX</p> <p>बे मिथिसारबिलाइनि गेजेरजो फरायसालिनि गासै फरायसाफोरखौ<br/>मिथिहोनो नाजानाय जायो दि डिसेम्बर, 10 निफ्राय 14, 2024 सिम<br/>जानोगोनां फरायसालि सप्ताजो लोब्बा लाखिनानै गुबुन गुबुन हारिमुवारि<br/>बादायलायनाय जेरै- गोदान मेथाइ, खुगा मेथाइ आरो हान्जा मेथाइ<br/>खननाय, गोदान मोसानाय, हान्जा मोसानाय, खिन्थिगासे फावथाइ बायदि<br/>बादायलायनायफोर खुंनाय जागोन।</p> <p>बेखायनो गोसो गुदुं बादायगिरिफोरखौ गोजौवाव मुंख'नाय<br/>बादायलायनायफोराव बाहागो लानो खावलायनाय जाबाय।</p> <p>गोजोनथो।</p> <p style="text-align: right;">नोंथानि फोथायसुला,</p> <p style="text-align: right;">हारिमु नेहाथारि<br/>फरायसालिनि मुं:XXX</p> | 5 |
|  | <p>vii. <b>फिन:</b></p> <p>खालार 09-12-2024, समबार।</p> <p>बेरायनाय, दावबायनाय होनब्लाथाय गोसोआ उरां-फारां जायो।<br/>जेरावखि थाडा मानो दावबायनाया गोसोखौ दान्दिसेनि थाखायब्लाबो गोरखो<br/>खालामो। बेयाव आं मोनसे जरखा दावबायहैनायनि सोमोन्दैसो बुंनो<br/>नागिरदो। जो आसामनि गोजाम जारिमिनारि जायगा शिबसागराव<br/>बेरायहैदोमोन। अदालगुरिनिफ्राय गुवाहाटि आरो गुवाहाटिनिफ्राय<br/>शिबसागरसिम हरनि बास। हरनि 8 रिंगाया बास गाखोनानै अखानायै<br/>साननि 12 रिंगायाव शिबसागर मोनहैयो। सिगाडावनो थि खालामखानाय<br/>हटेलाव 12:45 रिंगायाव सहैदोमोन। दसे जिरायनानै बेलासियाव बेरायनो</p>                                                                                                                                                     | 5 |

|           |    |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                      |   |
|-----------|----|--------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|---|
|           |    | <p>होननानै ओंखारलांदोंमोन। बेखालि जों शिबसागर टाउनखौनो नायखाना फैनाय बादि जादोंमोन। बायजोआवनो जाखां-लौंखां फैनानै मेंनायजों थाब हटेलाव जिरायफैदोंमोन। अखानायै फुडावनो जों जयदौल, सिबदौल, जयसागर, शिबसागर, रंघर, कारेंघर, तलातलघर, बायदिफोरखौ नायनो ओंखारलांदोंमोन। थारैनो जोबोर सोमोनांथाव, राजा रुद्रसिंह, शिबसिंहनि खुंथाइ समाव लुलांनाय जयदौल, सिबदौलफोरखौ नुनानै थारैनो राजखुंथाइनि मोनसे मोदोमनायखौ जों मोनदांदोंमोन। सोमोनांथाव दि जयदौलनि सेराव जयसागर आरो शिबदौलनि सेराव शिसागर मुंनि गेदेर गेदेर गंनै बिलो दं। बायदि रोखोमनि हांसो, हांसो सिलारि आरो गुबुन हादरनि दाउफोरजों बुंफाबना थानाय बे जायगाफोरा थारैनो मानसिनि गोसोखौ जोबोर रंजाहोनो हायो। तलातल घरनि खोथायानो आलादाखा। बेयो आहम सानथ्रिफोरनि साउनिमोन, रंघराव गाखोनानै आहम राजाफोरा मैसो जुजिलायनाय खेलाफोरखौ नायदोंमोन। थारैनो शिबसागर दावबायनायनिफ्राय राजा-महाराजानि बै समनि गासै बिथिंफोरखौनो जों जोंनि गोसो सानबोलावरियाव दसेनि थाखायब्लाबो खनखांनानै लानो हायो, जों बेनि बाहागोदारि जानो हायो।</p> <p>बे खाबुवावनो आं नोंथांखौ फोरमायनो लुबैयो मुखुब समनिफ्राय दान्दिसे दानख'नानै खाथि-खालानि हाजो-हाला, हाग्रा-बंग्रा, बिलो-लैथो, मन्दिर-मसजिद-गिर्जा जेरावखि जाया दावबायहैदो आरो जिउखौ साननैसोनि थाखायब्लाबो जाफुंसारहोदो। नोंथाडा नखरनि मानसिफोरजों, लोगोफोरजों एबा गाव हारसिंबो बेरायहैनो हायो। बाथ्राया बेनो बेरायहैदोल'। बुहुमा नोंथांखौ बिनि खना मोनफ्रोमावबो 'गोजोनफै' खालामनो साखाफारा जाना दं।</p> |   |
| सौंथि नं. | 6. | <p>फिन:</p> <p>बे फरा खोन्दोआव बर' आइजोफोरनि मावनाय-दांनाय, दानाय-लुनाय आगर आखाइनि सोमोन्दै फोरमायनाय जादों। बर' आइजोफोरखौ गोदोनि सल'बाथाफोराव जेरैबादि फोरमायनाय दं थारैनो बिसोर मोगथाडावबो बिदिनो जेरावबो-जेरैबो रोंखा-राखा। जेरैबादि जों आसागि-बैसागिखौ नुनो मोनो। बर' हिन्जावफोरा हान्जा जुथिनानै गावसोरनि लोगोफोरजों हाग्रा-बंग्रा, हाखर-बिलो सेर सेर मैगं खानो थाडो। बेयावनो बिसोर दिंखिया बिलाइनि समायना महरखौ नुनानै बोदोर जायो आरो गावसोरनि जियाव आगर एरखांना लायो आरो बेनो दिंखिया आगर। गोजाननि हाजो मालाखौ नुनानै हाजो आगर एरखांना लायो। दैमा-बिलोफोराव बारना थानाय थब्ल बिबार, फामि बिबारफोरखौ नुनानैबो बिसोर बोदोर जायो आरो गावबा गावनि जिफोराव एरखांना लायो। मैगं खानो थांब्ला एबा नाहा-मैहा थांब्ला नुबोनाय मैदेर, गान्दा, मुखुर, खासेव, खांर्राइफोरनि थाबायलांनाय आगानफोरखौ नुनानैबो बिसोर आगर एरखांलायनो हायो आरो बेफोरनो मैदेर आफा, मुफुर आफा, खासेव बिखा, खांर्राइ आसि बायदि आगरफोरनि जोनोम। बेफोरनि अनगायैबो दंफांनि दालाइयाव बानानै गां बुब्राब बुब्राब दाउथु गाबनायखौ नुनानैबो दाउथु गद' आगर</p>                                                                                                                                                                                                                                                                                                                                                               | 5 |

|           |    |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                       |   |
|-----------|----|-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|---|
|           |    | <p>एरनायाव बिसोर जोबोर गोख्रों। बिदिनो बिसोर फारौ मेगन गेदेर, फारौ मेगन फिसा बायदि आगरफोरखौबो जियाव एरखांना लायो। थामहिनबा जौं बुंनो हायो बर' आइजोफोरा थारैनो दानाय-लुनायाव जोबोर गोख्रों रावजौंबो रुजुजाया।</p>                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                      |   |
| सौंथि नं. | 7. | <p>फिनः</p> <p>बे फरा खोन्दोआव पारसी खन्थाइ एबा सल'न्थाइफोरनि सोमोन्दै मिथिनो मोननाय जादों। खन्थाइ आरो मेथाइनि बेलायाव पारसीफोरा जोबोरैनो जौगासिननाय आरो गोजाम बुंनो हायो। पारसी खन्थाइखौ मोनब्रै बाहागोआव राननानै सावरायनो हायो बेफोर- काच्चिदा, गजल, मथनबी आरो रुबाइ। आरज सल'न्थायखौ काच्चिदा महरै, गोसो थोनायनि मेथाइखौ गजल महरै, गोलाव सल'न्थाइफोरखौ मथनबी महरै आरो गुसुडै बान गोनां सानसि फोरमायनो रुबाइ महरै मिथिनाय जायो। फादौसीनि समब्रा-समब्रि खन्थाइगिरि आबु सायेदा सुफी सानथौखौ खन्थाइ महरै फोसावजेनदोंमोन। अमर खैयामबादि खन्थाइगिरिफोरनि जोनोम जायो। थामहिनबा मोनसे बाथाखौ बुंनो हायो अमर खैयानि समावनो पारसी खन्थाइया जौसिन थिखिनि मोनो। खृष्ट उन जिसे जौथायनि गेजेर बाहागोआव निशापुराव अमरा जोनोम जादोंमोन। बिफाया सासे 'खैयाम' एबा सायना (तम्बु) बानायगा मानसिमोन। बेनिखायनो बिथाडा अमर-बिन खैयाम (खैयामनि फिसाज्ला अमर) मुडै मोनथिजायो। बेजौ लोगोसेनो सासे पण्डितमोन-सानखान्थि आरो जौलारि शास्त्रवाव बिथांजौं रुजुजाथाव पण्डित बै समाव रावबो गैयामोन। नाथाय गोमोथाव बाथाया बेनोदि सानखान्थिबादि सानथाव बिज्ञाननि चर्सा खालामदोंब्लाबो बिथानि खन्थाइगिरि गोसोआ साबा जालाडाखै। थामहिनबा खन्थाइयानो बिथांखौ थांनानै थानो थुलुंगा होदोंमोन। मानसि-दुमसि, मिथिंगाखौ देरहानो हादोंमोन खन्थाइ गेजेरजौनो।</p> | 5 |